



Il cjamin Skzuts e il secont secont pilote Skzogs, a pene rivâts di Alpha Centaurs jessint dal Tunel Spazi Temporâl, a son di gnûf tal Sisteme Solâr par meti lis robis a puest. Il Comant Gjenerâl Intergalatic ur à comandât di proviodi par corezi la brute plee che e stâ cjamin la ultime mission spaziâl dai umans su la Lune.

La sonde automatiche a rais game, che aromai e je di cjase di chestis bandis par tignî di voli ce che a cumbinin su la Tiere, e à scuvierit che la mission spaziâl dai Cinês su la muse scuindude da la Lune, no je nome une mission esplorative.

Chei sacrabolts di mustics zâi a stan pardabon metint adun imprescj par butâ sù missii cun cjâf nucleâr e chest propit nol va jù al Comant Gjenerâl Intergalatic, che al à pensât ben di rompiju i ûfs intal ze.

Il cjamin Skzuts, denant dal monitor, al viôt dut il cefâ dai Cinês e cuant che i somee che a vedin finît i lavôrs, si zire viers il coleghe: “Skzogs, cumò ur fasin un biel regâl e sperin che la capissin une buine volte”. Dit e fat; cul so lunc dêt vert al frache il boton ros cun la scrite

“SDRUME” e lis bombis atomichis dai Cinês sclopant dutis insiemi, a metin fin a la venture spaziâl cinese su la Lune.

Su la Tiere il Centri Spaziâl Cinês si inacuarç subit de interuzion dai colegaments radio, e dopo vê tentât il dut e pardut par meti lis robis a puest e cirint di dâ la colpe sedi ai Mercans che ai Rus, al scugne rindisi e gloti amâr.

Zirant la astronâf, e imbocjant il Tunel Spazi Temporâl par tornâ a cjase, il cjapitani Skzuts al sbroche: “Pal moment o sin a puest, Skzogs, ma mi sa che plui denant o varin di tornâ. Mission disbratade, tornin dongje”.

P.S. - I Cinês, su la Tiere, no si dan in mò pês su ce che al è sucedût; po dopo, vënt spindût un grum di bêçs pardibant par cheste mission, a àn pensât ben di finîle li cuntun biel timbri: “Mission falide, di no ripeti”.

di Pauli Jacuz